

- Jefatura de Planeación e Información miyiane, kaniereti yu'uuximayátsikatsíe Planeación, Vinculación y Desarrollo Sectorial, miiki metsi'inie pemi'iareki parewiyayatsíe Proyecto Traslados 2022.
- Xíka wichi pereutamaiweni, wichi wewiyate petiwewieka ya yeiyari pe'uuximayaka Jalisco kwieyaritsíe, kami 'iiki 'inierika pi'ahetsie mieme, kimana pemuyeyeikaniki 'axaita ya 'a'iwama yunaiti xemite'uuximaya wahamatia hakewa peme'inierie pemirehekiataki 'a'wewiyate, tatsiari xíka pe'inierieka:
 - Hakewa xaitsiepaiti kwietsíe mireyu'iwatíne
 - Hakewa Mekikutsíe xeikia mireyu'iwatíwe
 - Xaitsie paiti 'ikitarika xíka pexatariaka tsepatsi 'ena Mekikutsíe ya matsi xaitsie paiti kwietsíe.
 - 'Ixiarari, hekiatsika, xeyarika, nauxtariaka 'ena kwietsíe ya hipame kwietsíe.
- Miiki Proyecto Traslados hetsíe pepiyiwe/xepiyiwe xemuta'iwauni \$50,0000 MXN katsutime 'utiniereme \$100,000 MXN xemakukineki Mekiku kwieyaritsíe ya tewa paiti.
- Tiyutixeyame xe'uuximayátsika ke mireku'iniari metá Secretaría de Cultura de Jalisco tuminieya ke mitiyuxuaweritiaka, maana tiyukaniereti yapitiyuxewiriya ke paímemekei xemiparewiyani.
- Ya'aneti payukumaika kename kehate 'inierikatsíe memiyuta'iniata tsiere maana metekayunitiani seguro de viaje kami xíka ke mitiyutipini kepauka mirakukiniti tieti mñiuypataxi.
- 'iiki 'inierika matiari piwaparewieni kehate 'uuximayátsikatsíe 'iiki teitéri memaye'uuka:
 - 'Ukári
 - Tíirí metá teemari
 - Teitéri memíka'aye'atika
 - Matiari Mekiku kiekataari
 - Teitéri Área metropolitana de Guadalajara warita paiti memitaama.
 - Kehate kiekaripa LGBT+ memitawiya
- Tita 'inierika mitikunama 'iiki pitihiki:
 - Píkayíwe mi'iare 'itsikame 'uuximayátsikaya hikiti, tsepa 'ena hurawa makawe hetsia ya matsi watapaiti.
 - Xíka xewiti rateita píkayíwe hetsiena mieme mirayukatuiyani, hutsi mipai pituyiwe xíka yaki yumaikame yatini xeime ka'aye'akame kuteitaneni.
 - Boletos 'amiraye'atika pikatinanaiyani.
 - Xíka yutéwa heutuimikini hetsiena mieme pikarayukatuitini, yaxeikia tsiere rapiinite hetsie timieme pikarayukatuiti.
 - 'Inierika hetsíe ke mitiu'utiani kename ke pauka makuyani mipai pitikayani, píkayíwe mitihipani ya menukahipani.
 - Xei ya huuta wiitaari 'anuyeyayu píkayíwe huutakia ya matsi waika mexia muparewiyani
- Ke mihate memeu'ariku 'iiki 'inierikatsíe, yati'aneneme mepite'aye'atiwani:

- Jalisco nuiwakame yatini tsikere haika wiyari maana 'ukaiti.
 - Tiyu'uuximayátsitiati yeyari metá wichi tiwewiya, 'eriya hetsié timieme.
 - 'Aka'uti Régimen Federal de Contribuyentes del Servicio de Administración Tributaria (SAT) hetsié.
 - Xapatsié 'iwaurika yetuame, maana naime yuhetsié timieme rahekiatati metá xapa yetuame tihekiatame hakewa me'inierieke me'iareki.
 - Ke mi'ane pemihiki xapáyari (INE/IFE, pasaporte, licencia de conducir o cédula profesional)
 - Xapa Proyecto Traslado kaniyetuiriemiki tihekiatame ke paimeme tumini meuyehiaka makuyaniki.
 - 'Utiarika haikame haxaxatame ke'anenemetsié 'uuximayatsika pema'akahiani 'akiekaritsié.
- Xika asociación civil xehikiti xeyu'iniatakuni, 'iiki xepiteyetuani:
 - Acta constitutiva metá Registro Público de la Propiedad xapáya
 - Ke mi'ane mixe'ukiyari/'ukáyari xapáya (INE/IFE, pasaporte, xapa kename turuki peheutani'awe ya cédula profesional)
 - Hakewa xemitewa'uuximaya xapayari, hekwati, haika metseri 'uwa matiyune mieme.
 - Constancia de situación fiscal tatsiari SAT miwayetuaya, hekwati, haika metseri 'uwa matiyune mieme, hetsiena hekíati kename facturas mutawewieni yiwe.
 - Xapa 'iwaurika Proyecto Traslados hetsié mieme
 - Xapate xe'ukiyari ya 'ukáyari ke mi'ane miyane metá hakewa meikaxeiya tihekiatame
 - Xapa 'inierika tihekiatame hakewa xeme'inierie metá ke pauka.
 - Ke mi'ane memakukine waxapate, maana yuhekiati ke mi'ane memiyia (INE/IFE, pasaporte, xapa kename turuki peheutani'awe ya cédula profesional)
- 'iiki 'inierika Proyecto Traslado peuyuyepieka mexi 'akuxi Secretaría de Cultura de Jalisco tumini hexeyani.
 - Xika waikawa tawari pereumaimikini 'iiki 'inierika hetsié timieme 'eena página web hetsié peutikaxeiya www.cultura.jalisco.gob.mx/convocatorias
- Xika parewiya peheuyehiaka wixarika niukiyariki ya teitsiya peheuyehiaka, 'eena ke tineu'utia inclusion.sc@jalisco.gob.mx
- Xika peheu'a'iwaoritiamikini niukameta keneuniu 33 30304500 extensiones 50064, 54739, 54796 tsiere 54736 yatini correo hetsie proyecto.sc@jalisco.gob.mx
- ¡Pepi'iare tepiteha'eriwa!